



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Missionis Anglicanæ Societatis Iesv

More, Henry

Avdomari, 1660

Campiano ortus & educatio. n. 2.

urn:nbn:de:hbz:466:1-38320

35.

HISTORIÆ
PROVINCIÆ ANGLICANÆ.
SOCIETATIS
I E S V.
LIBER SECUNDVS.

I. **E**t ista quidem foris egere ij, quibus neque in Patriam caritas, neque ad caritatem explicandam facultas deerat, neque par laboribus animus, quos enim labores ad Sar- matas usque & ad Indos profecti exhauserunt, eos tam facile in vicinam suam Angliam profudissent, si ita tulisset fors. Nunc eorum exigere virtutem aggredior quibus contigit primis ex Societate Iesu in ipsa Anglia Haereticorum ferociam experiri, & quos annis consequentibus habuit ea Insula auræ fidei inuictos propugnatores. Evidem iure meritissimo primas *Campiono* deferri, & *Personio* proflus cenluerim : Campionus & Personius primi ex Societate in messe Anglica. obscuriora enim sunt, atque incerta, quæ de claris Martyribus *Thoma Woodhouse*, & *Ioanne Neljono*, narrat *Thomas Stephanus* in vita *Pondi*, quod Societati nomen dederint. Quem autem *Zacchinius* memorat Patrem *Thomanum King*, in Patriam sanitatis causâ missum ibidem obiisse anno millesimo quingentissimo sexagesimo quinto; et si spem fecit is, in afflita valetudine salutis plurimorum (quod testantur *Polanci* literæ pro *Borgia* Vicario scriptæ) altero tamen mente contabescens, sibi coronam peperisse sperandum est, nobis vero ultra spem cum nihil dignum Annalibus reliquerit, alijs lampada palmam que non inuitus concedet.

II. Anno post seculum decimum quintum quadrageſimo natus est Londoni *Edmundus Campianus*, eo, ut diximus, tempore quo *Henrici Regis* in Pontificem odio, amplissima Religiosorum hominum Cœnobia passim distabantur. Quantu in puerो cresceret ingenij & industria laudes, luculenter

E 2

Campionus
nasceatur
Ao. 1540.

1569. tum ostendit, cùm annos numerans non plures duodecim, *Mariam* regnum
 Coram auspicantem eleganti oratione salutavit. Et *Maria* quidem fato concessit prius
 Maria quād in lectissimo iuene bonarum artium ac literarum fructus ad præmia
 Regina per condigna mature lcerent. At *Thomas Witus*, vir nobilitate ac prudentia cla-
 orat anno 1553.

Oxonij
 floret, gra-
 tus Eliza-
 bethæ Ao.
 1566.

ingenij, eloquentiæ vi, ac morum suavitatem id est cōlectus, vt non solum ora-
 toris, & Procuratoris præcipuis inter Academicos muneribus adhiberetur sed vt
Elizabetha (cui post Mariam regnanti, & Imperium adgratulatus fuerat, &
 obsequia Academiæ officiosissimè detulerat) ornandi extollendique homi-
 nis in le negotium lusciperet: Quod cùm per Leicestrum Comitem illa ex-
 posuisset, & voluntatis Regiæ esse vt quod liberet postularet: seu veritus nè
 beneficiis Regii irriteritus minus liberum haberet iter ad Religionis veritatem,
 (quam anxius iam tum inquirebat) indagandam, sequendamque, seu inani-
 tatis aulicorum promissorum gnarus, actis verbo liberaliter gratijs, nulla le-
 magis re capi, quam regio fauore, professus est.

Elizabetha
 hæresim
 inducit.

Campia-
 nus Che-
 ngei au-
 to-
 ritat e Schif-
 ma'co ritu
 initiatur.

III. *Elizabetha Henrici Octavi filia* ex Bolena, ad Regnum euecta, non
 sororis, ex *Catharina*, Catholicæ, sed Patris fratrilque Schismaticorum ve-
 stigij insistere decreuerat. Itaque abrogato eo omni ritu, quo inde ab consti-
 tuta in Anglia per Apostolos Apostolicosque viros Religione, vel Sacra-
 menta celebabantur, vel preces fundebantur, noua paulatim forma precandi, noua
 cudebantur Sacra-
 menta: Et rudioribus quidem non difficulter suadebatur
 nihil admodū distare ea que latine prius, nunc populari idiomate efferebantur
 (quamquam & id discri-
 men ingens est, quod quæcumq; sunt vulgari lingua ex-
 posita, in Romanæ Ecclesiæ contemptum sunt instituta) At ij quibus aut ab in-
 genio, aut ab librorum assidua verlatione sensus erant perspicaciores, non ita
 facile nouitatem cum recepta tot seculis antiquitate commutabant. Hos in-
 ter *Campionus* quo maiori studio veterum sententias cum nouorum homi-
 num commentis componebat, eo longius à suspecte pridem cautel approba-
 tione prouehebatur. Et honorum interim opumque spes, atque inter æquales
 existimatio, nutantem vtcunque retinebant, nè aperte Catholicus videri vel-
 let; præcipue vero Richardi Chenæi benevolentia singularis: is Reginæ gra-
 tiam lecetus, Glocestrensis Antistitis gradum occupat; Eruditio, comitas
 innata probitas, Patrum ac sacrae vetustatis ostentata veneratio, odium deni-
 que in rigidos Calvinistas (quos Puritanos vocant) auctoritatem homini con-
 ciliarant & nomen: Qui cùm in *Campionum* oculos conieci-set, fouere non
 destitit, quem nascenti Religioni lumen afferre posse prouidebat, & vt veller,
 quā promissis, quā largitionibus conabatur efficere: Atque euicit vt spurio
 diaconatu se initiari permetteret: neque enim per recentes Elizabethæ consti-
 tutiones, licuisset ad populum eloquentiam, quā pollebat, explicare, nisi
 manus